

海北僻在一方舊設十三場分地管徵今該司所管只存白沙等七場課額歲銀二千二百餘兩向皆場官徵費司官毫不煩催課之力而所經理者不過餉銀一百七十八兩今該司若將白沙白石西鹽官寨四場共銀一千一百七十一兩四錢肆分一釐七毫在廉州境內武郎東海二場額銀共六百九十一兩三錢零一厘在雷州境內茂暉場額銀叁百六拾八兩三錢伍分九厘三毫在高州境內分行各府管理官督行場官照數徵解每季各商票稅引紙餉銀通屬廉州就近管理其提舉吏目俸薪馬夫及皂庫工食共銀四百八十餘兩悉行免編司道奉議將白沙白石西鹽官寨肆場額銀一千一百七拾一兩四錢肆分一厘屬廉州府武郎東海二場額銀六百九十一兩三錢零一厘屬雷州府茂暉場額銀三百六十八兩三錢伍分九厘三毫屬高州府各管理官督行場官照數徵解其客商票稅引紙餉銀事務通屬廉州府佐兼理石康批驗所印記議委府首領及縣佐二輪管該司衙門吏目俱行裁革各官每歲原派各場解納夫馬等二百三十餘兩及派三府徵解俸薪紙筭工食等銀一百九十三兩四錢零俱行免徵以寬民力

廣東鹽課提舉司鹽場一十四處歲辦鹽肆萬六千八百伍拾伍引一百斤零海北鹽課提舉司鹽場一十五處歲辦鹽二萬七千肆十引二百斤零廣東鹽課司見今歲辦如舊額海北鹽課司每歲辦鹽一萬九千四百八十三引四百九十斤太色鹽一萬三千三百八十引一百斤折色鹽六千一百三引九十斤

典會

永樂初年黃福請循瀘江北岸至欽州設衛所置驛站以便往來開中積鹽使商賈輸粟以廣軍儲官吏俸廩倉粟不足則給以公田又言廣西民饒運陸路艱險宜令廣東海運二十萬石以給皆報可

明史黃福傳

永樂二拾年令廣東鹽課提舉司鹽課許軍民人等於京庫輸納舊鈔填給勘合赴各運司提舉司不拘資次支鹽

典會

初廣東鹽例不出境歲久鹽積商困住戶賄守關者越過廣西市利巡撫葉盛以聽之則法壞而利歸於商禁之則商滯而利歸於

關津乃請許鹽商計鹽多寡入米餉邊而後出埽於是公私兩利

明典

嘉靖八年僉事林希元又奏豁無徵查新生續長僉補重造冊籍自是課皆實征十通戶部議將課銀七分解部三分存留其水客商人等銀亦以三七爲例

林希元清查灶丁疏

臣按廣東海北二鹽課提舉司所征鹽課共十萬二千四百八十六引零該銀三萬三千六十伍兩自洪武正統年間兩經逆寇蘇有興黃蕭養之亂灶丁逃亡遺下無征灶丁二萬八千四百三丁共該鹽課二萬八千四百零三引該銀一萬三千六十伍兩其有征灶丁四萬肆千三百五十八丁共該鹽課四萬四千三百五十八引二百六十一斤該銀一萬四百四兩宏治五年兩廣都御史閔珪因灶年陳球之訴差官查勘有冊可考今無征鹽課貽累現在灶戶加之差役繁重灶丁逃亡是謂續逃正德四年巡鹽御史解冕奏請將現在有征鹽課寬減十分之二其先逃續逃無征鹽課節行傳登庶案自嘉靖元年恩詔蠲免五分灶戶頗獲蘇息至嘉靖三年鹽課提舉司復將正德十六年以來停徵逃亡鹽課通行追比以副奏限灶戶之家富丁多者尚可支持家貧丁少者難於賠納因之逃亡是以現在灶丁又十去二三臣竊思有丁方可辦課丁既逃亡課從何出國家富有四海所徵窮灶賠補之鹽課譬如太倉之增一粟鄧林之多一葉而窮灶之敲骨吸髓已苦不勝言况責以償非分之賦所謂醫得眼前瘡剗却心頭肉更有苦而又苦者往年灶丁免差民戶蛋戶皆冒灶以避絲役今則仍逃回本籍前項鹽課追徵不完提舉場官經年罰俸而邊海鹽徒因追徵緊急類多走險驚惶甘罹刑憲沿村打劫問擬斬絞流徙不一而足伏乞皇上將海北原額灶丁再行清查如果先續逃亡遺下鹽課無人辦納卽予豁除現在新生續長鹽丁通行查出僉補原額或不敷不甚相遠其先年投入鹽司民戶蛋戶概行清查勒回本籍以杜混冒臣查海北灶戶自天順六年編審後迄今六十餘年未經改造各丁九冊已故年久者應與開除新生續長者應行收入按舊管新收與民間黃冊一律編造以後照冊拾年一次更造永著爲例俾灶戶照丁

辦鹽不致苦樂不均而沿海編氓咸慶更生矣

二十五年廉州知府胡士鼐亦議照瓊州事例詳允存留萬歷六年戶部會計錄載九場共小引正耗鹽一萬二千四百八十六引每引銀二錢三分共銀二千八百七十一兩七錢八分水客赴場買鹽兌商先年止收商引之稅水客無餉

隆慶五年廣西巡撫殷正茂以古田之役出官帑萬金市蒼梧廣西商鹽上桂林鬻其息資戍兵餉萬歷二年始題請遣官員運廣鹽置鹽提舉於梧州使相轉輸謂之官運八年題定歲運鹽伍萬四千四百五十四肆包每包工價銀四錢一分九釐顧自二年後運官往往圖賤市還報以爲功遇鹽價踴貴又欲取盈與住時賤售價等及期復苛求之故四年議有成色鹽五年議有消滴鹽六年梧州提舉謝白澄又分鹽爲三等上色加銀二分中色一分下色減一分再議洗砂時水客牟利者偶一爲之至以通扣各商坐困十三年屯鹽僉事陳性學始條六議行之自是運官入廣市鹽皆酌時價其消滴洗砂三等鹽皆罷包重原一百二十五斤益以成色共重一百三十斤著爲定例官商兩便

萬歷二十五年裁汰海北提舉歸併廉州府海防同知兼理賣鹽埠頭止有那羅新倉二處議認引目九百九十道屬防廳經營申詳號票給發行鹽用盡結算再給新票每引照鹽一萬斤納舊額引商餉二兩一錢一分三釐

廉屬舊額鹽引餉銀九百肆十八兩二錢九分又府廳州貯充兵餉均平夫馬等銀共一千叁百二十八兩伍錢八分西路稅銀二百三十八兩又餉銀九兩零六分伍釐四項共銀二千伍百二十叁兩九錢三分伍釐屬廉防廳徵解

廣東鹽行廣州肇慶惠州韶州南雄潮州六府海北鹽行廣東之雷州高州廉州瓊州四府湖廣之桂陽郴二州廣西之桂林柳州梧州潯州慶遠南甯平樂太平思明鎮安十府田龍泗城奉議養利四州歲入大倉鹽課銀一萬餘兩

明史食貨志

一商人買水客鹽斤告往他所發賣其引有周年有散折二種其納引餉亦微有不同每買正鹽一引許帶餘鹽六引每引二包重二百五十斤共正餘鹽一千七百五十斤赴提舉司納引價一錢紙借三厘餉銀九錢餘鹽六引赴告往所在官司納堂每引納銀

一錢五分共銀九錢

一水客往白沙白石皮丹兜四場買鹽每萬斤餉銀一錢七分五厘盤出餘鹽照時值折價仍每斤納銀一厘其投銷過限俱照廣東提舉司例水客即為商人照往原告埠頭發賣每引一道照官鹽一千七百五十斤餘鹽八千二百五十斤例細引及紙價一錢三厘

一海北鹽課提舉司總轄高廉雷瓊一十五場高雷二府所轄各三場瓊州府所轄六場廉州府所轄白沙白石皮三場共辦課八百五十一兩五錢二分九釐

清

順治十三年檄定後土寇佔據路室基埠商逃散鹽引不行餉無從徵至拾六年奉督撫按院頒給號票止於本境行鹽實徵餉銀一百八拾三兩六錢零二釐零

十七年實徵餉銀五百零九兩一錢九分二釐零

康熙元年正月起至四月底止實徵餉銀二百三十一兩三錢九分二厘零後奉遷界灶丁盡入內地不居海濱無從煎煮鹽餉無徵八年奉文展界招墾灶丁初集鹽埠未復客商裹足不至灶丁煎成鹽斤在本境運賣照順治十七年奉頒則例見鹽輸餉歸防廳徵那羅等埠餉銀二百二十三兩九錢三分五釐零每大引行鹽一十四包一百五十斤每引計重二千一百斤又加鹽二百六十二斤八兩共淨重二千三百六十二斤八兩小客運鹽每引納餉銀二錢九分零四毫零餘鹽每引三錢五分三毫零商人折引每引納銀七錢加餉一錢紙價二厘又加餘鹽每引三錢六分四釐零時值銀九分三釐零每引納軍加引紙餉銀一兩一錢零三釐又納場餉銀四錢

九年三三十一一年歷年鹽餉加增不一俱防廳衙門徵解三十二年新設鹽院原屬埠場歸一名曰那羅埠商人養灶收鹽配兌康

南大思四府其埠餉考成則歸州縣防廳不與其事嗣奉文改引將一大引改爲十引每引照准例行鹽二百三十伍斤照省熟鹽例細徵餉銀四錢一分九釐零照各埠原額計算分爲十分隨引納餉其有從前軍餉額餉加斤餘鹽等項名色一概革除廉屬三府縣新派配額引八千零二十伍斤實徵銀三千三百六十六兩叁錢一分伍釐零

肆十六年更召土商奉文每引增餘費銀六分六釐三屬共增餘費充餉銀伍百二十六兩九錢八分六釐零發帑養灶康防廳督收鹽斤運至石中二館配兌

肆十七年收帑召募場商養灶此鹽配兌

四十八年至五十伍年俱場商養灶收鹽

五十六年因兩廣鹽課積欠至九十一萬餘兩經題督楊琳題允自伍拾六年拾月起將各場歸官動銀六萬兩發帑收鹽賣於埠商於鹽包帶完舊欠仍將收鹽羨餘題報自伍十八年起至雍正元年止伍年期滿舊欠九十一萬餘兩帶完清楚其發帑收鹽每年題報羨餘五萬兩雍正元年又經前督會同巡撫年希堯題明將商場停設仍發帑委官監收埠商仍留完課運鹽奉允將廣東鹽政交總督楊琳管理仍令各商運鹽納課其有課餉難完者着落地方官運銷完課引多壅積地方酌量代銷務使每年額課按數全完不致拖欠其發帑收鹽會與埠商每包照原價量增一二三分除加給灶丁等項外每年共得羨餘七萬餘兩俟年底造冊具題充餉嗣於雍正二年伍月總督孔毓甸（王旁）條議自雍正三年起將前督所增羨餘銀二萬兩添給丁鹽價船戶運脚仍照前羨餘五萬餘兩造報

五十八年奉行各埠拆配正鹽每包照原價銀二錢三分加增銀一錢三分廉屬三垣共加增銀五百三十六兩

雍正四年總督孔毓甸（王旁）將雍正三年以前所收子鹽似銀同各年零星雜項並廣西餘鹽共四萬兩奏報歸公

六年奉部復准長蘆巡撫御史鄭禕審奏稱鹽課未完在經督各官均照分數議處而欠有課商人從未處分之例請自雍正六

年起未完各商亦應照本人所欠分數指名題參枷責治罪嗣於雍正八年奉部議覆廣東總督郝玉麟疏稱兩廣鹽課上年奏銷錢糧之時尚有未完經臣照例題參各商雖勉力揭借措辦通完然限期急迫勢不得不重利短扣商力未免愈困嗣後廣東商人於奏銷之時或有未完照州縣帶徵未完錢糧之例以參後扣限一年通完倘年限已滿仍有拖欠即照例治罪

乾隆二年四月西鹽道詳准平樂等二十八埠歸商運銷核算從前官運之例所加耗費連申司秤頭合算共鹽一萬二千零三十八包俱係銷解支應雜項之費請按年買補

一詳允蛋場等廠乾腳丁課銀叁十六兩八錢伍分二釐於耗羨內撥抵遞年場員赴府具領湊解運司

一收買餘鹽經兩廣總督鄂彌達題明高廉二地熟鹽每收四百斤以三百斤為正鹽一百斤為餘鹽歲底核實收買若干搭銷若干收價若干除還加價運腳簍皮及添設司事人夫工食修造倉廩並遭風失水外所有羨餘統歸正鹽場羨冊內造報至搭銷餘鹽查西省額引無多今既傳撥東引即可派定餘鹽運配銷售若東省引繁課絀各埠銷售有難易之殊不能畫一前項餘鹽未便按照正引數目派定行銷請將各埠遞年收買餘鹽除撥西省運銷外所餘鹽斤應分別易銷各埠情形通融酌撥再餘鹽一項並無餉費若止今完納鹽價則帑羨無出應按照各埠賣價除還鹽價並運埠水脚工火外所有羨餘陸續催收造入鹽課季冊咨部撥餉

一西省各埠額消東省熟鹽二萬伍千八百一十七包零每包搭銷餘鹽五十斤共加銷餘鹽九千七百二十五包每年於正引羨餘之外另案造冊題報

一各埠商人告折引鹽請領水程照運到埠例有定限違限者按照日月追納贖銀以充部費違限五日者免議違限伍日以上至一月者追罰贖銀四兩二錢一月以上至二月者追罰贖銀四兩二錢仍按引追納半堂銀兩每引追銀五分伍厘零違限三月以上至四月者亦照追罰贖銀四兩二錢仍按引追重堂銀兩每引追銀一錢一分零違限五月以上不應追重堂銀兩將該

商者懲半年以上即依凡犯私鹽律杖徒鹽沒入官一年以上亦照律杖徒鹽船并沒入官半堂每封引進銀五十二兩三錢九分二釐重堂每封引進銀一百零四兩十錢八分五釐

五十四年奉郵履准總督福康安奏稱粵東省河鹽務各款商欠經前督臣孫士毅查明六十九萬八千六百九拾餘兩之多奏請改埠歸網停止發帑永杜混牽臣接任後登經出示曉諭各商人殷戶等認捐者上緊完繳未認者量力承認現在各商認捐共計一百肆十萬兩有奇業經歸庫者一百伍萬餘兩頗屬急公而歸網伊始成法亟須變通所有設局配運完餉養灶一切事宜督飭各司併率同局員等酌擬章程詳請核奏臣復與撫臣郭□□熟商利弊緣粵鹽行銷每年省河合正改引應折六十萬九千一百五十二道計鹽一百萬餘包運至東關掣配分運各埠銷售溯其辦理之初原係場商出資養灶埠商出資收鹽嗣因場商乏人承認始議發帑收鹽先後共撥銀三十萬七千餘兩謂之帑本由運司發給場員在於各場收買並發給曹舟旁一船水脚運至東關配給各埠所有運庫發場之鹽本水脚即責令埠商於折運引鹽之時按包繳回謂之鹽價近年帑本與鹽價轉難轉輸以濟配運此粵鹽舊定章程也近年運庫先後徵收之價不及帑本之半補救無方計圖遷就登將庫項銀兩借入帑本項下以應支發仍復報轉掛欠以致場丁不能照額輸鹽曹舟旁一船不能依限挽運即如孫士毅前次奏報六十九萬餘兩之欠項內中現有應還場丁曹舟旁一戶之銀十餘萬兩總緣商欠庫帑以致運庫亦懸欠各項公私轉輸此鹽務至今日實有不得不更張變通之勢講求榷政自以恤商為要而恤商之法亦惟不受留難不滋浮費則場產盡數皆得現價曹舟旁一船往返皆可尅期場丁亦何樂為走私之事至鹽場關廠其弊百出業經出示嚴禁並擬將水路隘口原設盤查員弁酌量裁汰責成局商設自巡船卡所嚴密巡緝以節糜費而杜需索其場員向照收鹽分數定為功過黜陟惟豐歉今昔各殊必須設法變通現在通行核酌分別裁撤勻攤一切陋規搜剔淨盡各場煎晒凡有餘溢斤緘悉歸官由此杜絕後欠帶完前逋不數年間並可擴充餉羨

查粵鹽行銷兩廣江楚閩黔滇七省除省滇銅鹽互易例應委員運往外其餘六省歷係外江流寓之人出身應辦速獲流商疲

弊於乾隆二十年後始議舉報土商於一切課餉條款行運疏消經理率皆不善加以商夥各顧其私互相銜賺虧折日深茲既厚集鹽本至一百餘萬兩應請將從前劃分之一百五十埠合併爲一青成各商公舉老成諳練者十人飭取連環保結領出鹽本悉心經理其餘出水殷商各卽出身到局一體襄辦准其辭退埠務凡配運行銷統以省城河南全家二倉爲公局此外仍各按道里遠近酌定地段分爲六處各就其扼要總口設立子櫃西江在於梧州北江在於韶州中江在於三水東江在於小淡水廠廣州府在於平塘江口高州府在於梅菪每處由局商慎選妥人分布經理所有場鹽統責公局商人運赴省城貯於河南全家二倉由運司督同局商核照定額參以地方銷售難易運配各櫃報明臣衙門掣驗開江所有原設埠地卽一律召募水客聽其各照地段赴公局及各櫃運銷每年各櫃所獲鹽利除工火外儘數彙歸公局爲完解課餉轉運場鹽之用或子櫃行銷不能不稍有盈絀統由公局商人裁長補短以符定額猶有餘利卽按照原出資本之家均勻分給至設局分櫃處所均應建置倉廠館舍以資頓貯鹽包及商人居住約估需經費銀三萬兩統由局商在於鹽本動支分赴相度趕辦毋庸開銷官項部議條款

查各場收鹽舊有定額而今昔情形實有不同其在歛收場柵尚不過虛報充數而旺產之場柵遂至私鹽泛溢所有查明歛收之白石東西及茂暉三場應請將年額量爲核減其丹兜東莞香山歸靖四場卽請裁撤所有量減及裁撤之鹽額均攤入旺產場分運配督收將池漏改爲稻田准令場丁照例承墾陞科並將裁撤之場員撥令於旺產處所分柵管理部議條款

嘉慶十七年奉部覆准總督蔣攸銛會同巡撫韓崧奏從前改埠歸網時原令局商在局總理領本赴場收鹽存局衆商分赴局櫃領鹽運銷轉輸立法極爲詳備嗣局曹（舟旁）遭風缺壞併被洋盜奪劫日漸減少十餘年來局商不能運鹽仍歸運商自行配運局商在局止係虛糜經費徒有網局之名而無領辦之實卽至嘉慶十一年間前督臣吳熊光奏明添派運商七人入局幫辦而事權向歸局商續派之運商亦不免意存推諉雖居局中無裨局務現在體察商情揆度事勢非除退局商責成運商自辦不能清弊實而節糜費臣等與藩司曾煥署運司楊煒公同酌核將各局商撤去於運商中擇誠實妥幹六人在局經理該

商等俱各有埠行鹽事關切己一切支銷自知撙節而責成既專別無旁貸亦不能復存諉卸俟辦理三四年後再查別埠誠實之商酌派三肆人輪流更替俾交替時即可藉以稽查不致久而滋弊而各商共知將來俱有輪及辦事之日亦不致遇事掣肘阻撓似於鹽務商情均有裨益

按發帑收鹽廣州府庫向貯銀一萬八千有奇兩向官支領由書吏經手場丁漏戶鹽銀不能如期交收滋弊日甚乾隆伍十五年部議遂定為停帑歸網集商本運辦設局分櫃事有專屬餉亦有所責成

設官因革

明廉州鹽務原海北提舉管理萬歷間裁見前 改廉州府海防同知兼理

清康熙九年三十一一年俱歸仿廳三十二年改設鹽院防廳不預其事周志 伍十六年設白石東西二場發帑收鹽從前原設大使一員管理發帑收鹽事務檔案 伍拾八年改歸府管雍正七年奉行改照官運官銷周志 八年以場員地方遼闊不能兼顧奉准添設委員兼理檔案 十一年設高廉運判一員駐廉州督收高廉二府鹽斤並西省發運事務乾隆元年題歸商辦粵西各埠額引亦歸商辦所有太思一府屬等埠照舊官運官銷西鹽道委員赴東交明鹽價按引買鹽運至粵西梧州分給各州縣照部價發賣賣出鹽價解交西鹽道收貯將應納東餉委員解赴東運司兌收其西稅銀兩及工食運脚分別扣存年底將買過數目造冊報部俟額鹽銷完核明羨餘題報七年九月題明裁汰運判仍歸府管轄周志 十三年將西場委員裁撤十八年復設西場委員令將石中二館運務交大使委員分管十九年復據各商具呈議將石中二館收配事務改歸府辦其西場委員亦於是年撤回歸並大使兼管檔案 二十五年議准西省官埠儘行改歸商辦通志 三十五年奉將石中二館各委一員專理尋以一切雇寬車船呼應不靈裁汰議復設西場委員一員駐筍頭二甲地方專司西場辦廠發帑收配原設大使專司東場十三歲發帑收配伍十五年西場委員停委歸東場大使兼管檔案 以上旋設旋撤至改網後設官乃定

培遠堂偶存稿

乾隆二十三年兩廣總督陳宏謀專委場員監配檄粵東鹽法煎收配運場官之責督催稽查責成知府通省皆然惟廉州府屬之東西白石場自裁運判之後收鹽配引事宜歸場歸府屢變其局乾隆十五年歸場十九年又復歸府檢閱舊案知府離場寓遠既設場官駐劄鹽場一切稽煎收買等事場員就近經管責成較專場員滋弊不法知府正可查禁糾參不便因一時場員不妥而令知府隔遠代理場員之事既於體統非宜且知府不能親身在場一切委之家丁親友如有不妥知府遠難察覺所委之人場員亦礙難查報莫如責成場員專管果有勒索刁難苦累灶丁必赴府控告知府亦可訪察揭參如此上下相維揆之各場事例畫一仰該司會同布政司即將白石場大使在通屬大使中遴選強幹廉能之員詳請咨調凡催煎收買各事俱歸場員承辦稽查督催責成知府果有情煎走私之事知府隨時參報至於該場配鹽向有石康中屯二館雜場寓遠場員不能兼顧作何選委幹員就近分管一併妥議詳奪

廉灶 白石場全產熟鹽拆配本府合欽靈及廣西靈興並南太思三府共一十一州縣

白石東場十三廠

武刀廠 距城南七十里 灶四十六座 沙田池漏數同 司事一 巡丁二

白龍廠 距城南八十里 灶七十九座 沙田池漏數同 司事一 巡丁三

三塘廠 從白龍廠分

多顏廠 距城東南九十伍里 灶一百四十五座 沙田池漏數同 司事一 巡丁四

葛麻山廠 從多顏廠分

謝家雙廠 從多顏廠分